

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA**

**Broj: T04 0 KT 0040873 19
Zenica, 27.01.2020. godine**

**OPĆINSKOM SUDU U ZENICI
Sudiji za prethodno saslušanje
ZENICA**

Na osnovu člana 45. stav 1. i 2. tačka i) i člana 241. stav 1. Zakona o krivičnom postupku Federacije Bosne i Hercegovine (ZKP F BiH), podižem,

O P T U Ž N I C U

Protiv:

NUKIĆ REŠADA, iz Visokog,

Što je:

U vremenskom periodu od 16.06.2009. godine do 01.04.2011. godine, na području Zenice, u namjeri ostvarivanja prava na invalidsku penziju za sebe, nabavio radi upotrebe lažnu medicinsku dokumentaciju i to: otpusno pismo Kantonalne bolnice Zenica, Službe za psihijatriju, matičnog broja 57/10 na njegovo ime i prezime, na kojem je lažno naveden podatak da je bio na liječenju od 22.01. do 17.02.2010. godine, iako je znao da je navedena isprava lažna, da bi potom ovakvu lažnu medicinsku dokumentaciju upotrijebio kao vjerodostojnu i priložio u postupku ostvarivanje prava iz mirovinskog/penzijskog i invalidskog osiguranja, Federalnom zavodu za PIO/MIO Mostar, Kantonalna administrativna služba u Zenici, koja dokumentacija je dostavljena u Institut za medicinsko vještačenje zdravstvenog stanja Sarajevo, Odjeljenje za prvostepeni postupak medicinskog vještačenja u Zenici, zajedno sa izvještajem sa nalazom i mišljenjem izabranog doktora medicine primarne zdravstvene zaštite specijaliste medicine rada dr. K. M., s ciljem dovođenja u zabludu ljekara istog Instituta da se radi o stvarnoj medicinskoj dokumentaciji, pa je naprijed navedenim radnjama lažnim prikazivanjem činjenica navedenih u lažnom Otpusnom pismu, doveo u zabludu kako ljekare pomenutog Instituta, koji su mu na dan 20.07.2010. godine, u Nalazu, ocjeni i mišljenju broj: uspostavili dijagnozu „Sumanuta psihoza“ i „Pancreatitis chr atrophica“, uz ocjenu i mišljenje da postoji I kategorija invalidnosti, tako i direktora FZ MIO/PIO, Kantonalne administrativne službe Zenica koji je na osnovu Nalaza, ocjene i mišljenja od 20.07.2010. godine, na štetu FZ MIO/PIO, donio Rješenje matičnog broja, broj predmeta od 01.04.2010. godine, kojim se Nukić Rešadu priznaje pravo na invalidsku penziju u iznosu do 179,61 KM počev od 20.07.2010. godine, koja mu se od tada do danas isplaćuje u kontinuitetu te mu je zaključno sa 30.09.2019. godine isplaćeno ukupno 36.785,95 KM s tim da mu se penzija i dalje isplaćuje, čime je na opisani način do sada pribavio protivpravnu imovinsku korist u navedenom iznosu, oštetivši Federalni zavod PIO/MIO za isti novčani iznos, s tim da i dalje koristi pravo na invalidsku penziju,

čime je učinio krivično djelo krivotvorenje isprave iz člana 373. stav 2. KZ F BiH i krivično djelo prevare iz člana 294. stav 2. u vezi sa stavom 1. KZ FBiH a u vezi sa članom 54. KZ FBiH.

III Predlažemo da Sud obaveže Nukić Rešada, da po pravosnažnosti presude, u roku koji sud odredi, oštećenom FZ PIO/MIO namiri pričinjenu štetu u iznosu od 36.785,95 KM, odnosno u iznosu koji će do kraja glavnog pretresa precizirati oštećeni, obzirom da se osumnjičenom i dalje vrši isplata penzije, te da presudom odredi, da ukoliko optuženi u naloženom roku ne namiri pričinjenu štetu, da će se pribavljena imovinska korist oduzeti od osumnjičenog, a u smislu članova 114. stav 2. i 115. stav 3. KZ FBiH, u vezi sa članom 417. ZKP-a FBiH,

IV Predlažemo da sud uz shodnu primjenu odredbi člana 78. stav 1. KZ FBiH stavi van snage Rješenje FZ PIO/MIO, KAS Zenica, matični broj:....., broj predmeta od 01.04.2011. godine, kojim se Nukić Rešadu priznaje pravo na invalidsku penziju.